

Excmo. Sr.:

A Xefatura Provincial de Montes e Industrias Forestais de Pontevedra, informa o seguinte:

1º.- Que con data 25 de xaneiro de 1979 o Xurado Provincial de Montes Veciñais en Man Común adoptou a resolución de clasificar como tal o nomeado "Campo do Marco", da pertenza á Comunidade integrada polos veciños de Caneda.

2º.- Que con data 13 de outubro de 1994 a Comunidade de CANEDA solicitou a transformación do monte "Campo do Marco", Consorcio 2238 en Convenio, acompañando certificación do acordo adoptado en asemblea xeral extraordinaria do 9 de outubro de 1994.

3º.- Que a superficie total consorciada en 1951 foi de 219 Has.

4º.- Que por resolución de 22 de febreiro de 1988 aprobouse o Convenio 3615609 por transformación de 119 Has. da pertenza a MORILLAS (1ª segregación).

5º.- Que os gastos por traballos, mailos ingresos, segundo consta na conta do Consorcio, foron:

Gastos por traballos	24.250.069 Ptas.
Ingresos	13.485.413 "
Saldo a favor da Administración Forestal	10.764.656 Ptas.

Á vista de todo iso, propoñemos a V.E.:

1º.- Que se aprobe a rescisión das 100 Has. do monte "Campo do marco", consorcio 2238, da pertenza á Comunidade de Montes Veciñais en Man Común de CANEDA.

A restar da conta, gastos	24.250.069 Ptas.
A restar da conta, ingresos	13.485.413 "

2º.- Que se aprobe o Convenio das seguintes características:

Nome: "Campo do Marco".

Elenco: 3615674.

Superficie: 100 Hás.

Pertenza: CANEDA.

Concello: Campo Lameiro.

Saldo inicial da conta: 10.764.656 pesetas.

A contabilizar como subvención: 50%.

A contabilizar como anticipo: 50%

Interés sobre o anticipo: 1%.

Participación da Propiedade no voo creado: 70%.

Participación da Consellería no voo creado: 30%.

Non obstante V.E. resolverá.

Santiago de Compostela, 12 de febreiro de 1996.

O SUBDIRECTOR XERAL DE MONTES E
INDUSTRIAS FORESTAIS,



Asdo.: Plácido Baamonde López.



O DIRECTOR XERAL,

Ado.: Carlos del Alamo Jiménez.

EXCMO. SR. CONSELLEIRO DE AGRICULTURA, GANDERÍA E MONTES.-

Visto o expediente de transformación do Consorio 2238 en Convenio entre a Consellería de Agricultura, Gandería e Montes e a Comunidade de Veciños de Caneda propietaria do Monte Veciñal en Man común "CAMPO DO MARCO" 100 Has. sito no Concello de Campo Lameiro (Pontevedra) e a vista dos informes favorables, emitidos pola Subdirección Xeral de Montes e Industrias Forestais e polo Servicio de Montes e Industrias Forestais de Pontevedra, esta Sección Xurída entende que procede a aprobación do devandito convenio nos termos propostos, por axustarse ó previsto na Lei 5/1977, do Fomento da Producción Forestal, ó Real Decreto 1279/78, que aproba o seu Regulamento, e ó Decreto 69/84, polo que se deixa sen aplicación, no ámbito da comunidade Autónoma, ó artigo 57 do devandito Real Decreto, así como a Lei 13/89, de Montes Veciñais en Man Común e ó Decreto 260/92, que aproba o seu Regulamento.

Santiago de Compostela, 6 de febreiro de 1996



ANEEA DA SECCIÓN XURÍDICA,



Asdo.: M^a José Tato Rocha.

**ILMO. SE DIRECTOR XERAL DE MONTES E MEDIO AMBIENTE
NATURAL.-**

Vista a proposta formulada pola Dirección Xeral de Montes e Medio Ambiente Natural, e logo dos informes favorables emitidos pola Sección Xurídica, e pola Xefatura Provincial de Montes e Industrias Forestais de Pontevedra.

R E S O L V O

1º.- Que se aprobe a rescisión das 100 Hás. do monte "Campo do Marco", consorcio 2238, da pertenza á Comunidade de Montes Veciñais en Man común de CANEDA.

A restar da conta, gastos	24.250.069 Ptas.
A restar da conta, ingresos	13.485.413 "

2º.- Que se aprobe o convenio das seguintes características:

Nome: "Campo do Marco".
Elenco: 3615674.
Superficie: 100 Has.
Pertenza: CANEDA.
Concello: Campo Lameiro.
Saldo inicial da conta: 10.764.656 Ptas.
A contabilizar como subvención: 50%.
A contabilizar como anticipo: 50%.
Interés sobre o anticipo: 1%.
Participación da Propiedade no voo creado: 70%.
Participación da Consellería no voo creado: 30%.

Santiago de Compostela, 12 febreiro de 1996.

O CONSELLEIRO,

P/D

O SECRETARIO



Asdo.: Antonio Luis Rosón Pérez.

(O. do 13-12-93)

ILMO. SR.DIRECTOR XERAL DE MONTES E MEDIO AMBIENTE NATURAL.-

C O N V E N I O

N.º	36	15674
-----	----	-------

En Santiago de Compostela, a seis de febreiro de mil novecentos noventa e seis.

R E U N I D O S

Dunha banda, D. _____, Conselleiro de Agricultura, Gandería e Montes, en virtude da representación que legalmente ostenta.

Da outra, D. MANUEL RAMIREZ QUIBEN, como representante da comunidade propietaria do monte veciñal en man común CANEDA, segundo se acredita neste mesmo documento.

Ámbalas dúas partes recoñécense capacidade suficiente para asina-lo presente convenio.

E X P O Ñ E N

O artigo 27.10 do Estatuto de Autonomía para Galicia establece a competencia exclusiva da Comunidade Autónoma en materia de montes e aproveitamentos forestais, sen prexuízo do disposto no artigo 149.1.23 da Constitución.

Ó abeiro destas disposicións promulgáronse os Reais Decretos 167/81, 1234/83 e 1535/84, de traspaso de funcións e servicios á Comunidade Autónoma de Galicia en materia de conservación da natureza.

Este convenio establécese ó abeiro do previsto na Lei 5/77, de 4 de xaneiro, sobre fomento da produción forestal, desenvolvida polo Real Decreto 1279/78, de 2 de maio, que aproba o seu regulamento, e modificado polo Decreto 69/84, de 23 de marzo da Xunta de Galicia.

Este convenio rexeráse polas cláusulas que a continuación se consignan:

1ª.— O convenio ten por obxecto:

a) A modificación das condicións establecidas nos Consorcios subscritos con datas do ano 1951 para a repoboación dos terreos que se describen na cláusula 2.ª, quedando anulado este Consorcio na parte afectada polo presente convenio.

b) A incorporación a este novo contrato do voo e obras auxiliares creadas ó abeiro do Consorcio anterior.

c) A repoboación forestal dos terreos aínda susceptibles dela que se describen na cláusula segunda, a conservación e tratamento silvícola das masas que se creen, e o seu aproveitamento, ademais dos traballos de melloras do monte.

d) A conservación, tratamento silvícola e aproveitamento do arborado preexistente e independente do Consorcio anterior, que continuará pertencendo á entidade propietaria (rísquese, de non existir).

e) As obras e traballos complementarios e auxiliares concordantes cos anteriores fins.

2ª.— Os terreos afectados polo presente Convenio pertencen a Comunidade integrada polos veciños do lugar de Caneda, parroquia de Santiago de Morillas

e son os que a continuación se describen:

Denominación: "Campo do Marco"

Termo municipal: Campo Lameiro

Provincia: Pontevedra

Situación administrativa e legal: monte veciñal en mán común

Límites:

N.: Monte de Morillas

S.: Monte de Parada.

L.: Termo de Cerdedo

O.: Mais monte de Caneda

Superficie: 100 Has

Estado forestal: 6,5 Has de pino pinaster e radiata; 4 Has de eucaliptus glóbulus; 2 Has de pseudosuga e 1 Has de castaños

Con arborado pertencente á comunidade propietaria do chan: -

Con voo creado procedente da repoboación realizada en virtude do consorcio anterior, que se converte e anula:
72 Has

Sen vexetación arbórea: 28 Has

Servidumes: -

3ª.— O chan continuará pertencendo a Comunidade de Caneda

que achega ó convenio:

- a) A súa participación no voo creado en virtude do consorcio sinalado.
- b) Os terreos descritos na cláusula segunda.
- c) O arborado da súa pertenza existente nestes terreos (rísquese se non existise).

4ª.— A Consellería de Agricultura, Gandería e Montes aporta ó convenio a súa participación no voo creado en virtude do anterior consorcio e as cantidades necesarias para cubri-los gastos a que dará lugar a súa execución.

Na correspondente conta de gastos, o 50 por cento contabilizarase en concepto de subvención; o restante 50 por cento, como anticipo reintegrable, ó interese do 1 por cento anual.

5ª.— Como primeira partida da conta do convenio consignarase o saldo acreedor resultante de actualizar as contas de gastos e ingresos dos consorcios anteriores, que quedarán total ou parcialmente extinguidos. Este saldo, que será a diferenza entre a suma das partidas de gastos sufragados pola Consellería de Agricultura, Gandería e Montes, e os ingresos desta considerarase anticipo e, a partir del, aplicaráselle á nova conta o réxime previsto de subvencións e anticipos.

A relación de consorcios a converter é como segue: Elenco 2238 "Campo do Marco" 100 Has

6ª.— As propostas ou proxectos necesarios para o desenvolvemento das finalidades consignadas serán aprobadas pola Consellería de Agricultura, Gandería e Montes.

7ª.— Dos ingresos obtidos en cada aproveitamento do arborado creado durante a vixencia do convenio, e do incorporado a el, segundo a cláusula 1.ª, apartado b), o 30 por cento será para a Consellería de Agricultura, Gandería e Montes, e o 70 por cento restante, para a comunidade propietaria do terreo.

Dos ingresos obtidos en cada aproveitamento do arborado preexistente no monte e, daquela, pertencente ós propietarios do chan, a Consellería de Agricultura, Gandería e Montes recibirá o - por cento, e a comunidade propietaria, o - por cento restante.

Se, como consecuencia da execución de un aproveitamento, a participación da Consellería de Agricultura, Gandería e Montes excedese do saldo acredor existente nese momento, en concepto do anticipo reintegrable segundo a cláusula cuarta, entregárase o exceso a comunidade propietaria.

Os ingresos obtidos dos restantes aproveitamentos, que se realizarán previa conformidade da comunidade propietaria, e que estarán subordinadas en canto á súa localización, época e contía, ás necesidades da repoboación e conservación do voo, corresponderán ó titular do chan.

8ª.— En caso de incendio, a Consellería de Agricultura, Gandería e Montes procederá ó aproveitamento do voo existente no terreo sinistrado, distribuindo o importe que se obteña, de acordo coas normas establecidas no convenio, e á restauración da masa arbórea nas mesmas condicións económicas que se estipulan para o resto dos traballos.

9ª.— O presente convenio, para o seu pleno funcionamento e eficacia a tódolos efectos como título auténtico, deberá ser subscrito pola comunidade propietaria do chan e pola Consellería de Agricultura, Gandería e Montes, figurando no mesmo certificación do acordo da Xunta de Comunidade co «quorum» regulamentario, no que se designe a persoa autorizada a efectos da signatura do Convenio.

Ata que teña lugar a devolución do anticipo, a Consellería de Agricultura, Gandería e Montes asumirá a posesión do voo, establecéndose un dereito real de garantía sobre este que, sen máis requisitos có contrato administrativo, será inscristible no Rexistro da Propiedade.

10ª.— A duración deste convenio será por un período de 30 anos.

Transcorrido este tempo, e se a Consellería de Agricultura, Gandería e Montes, coa súa participación en beneficios que se consigna no primeiro parágrafo da cláusula sétima, cubrise o seu saldo acredor, en concepto de anticipo reintegrable segundo a cláusula cuarta, quedará automaticamente extinguido o convenio, reintegrándose o chan e as existencias que sustentase á plena posesión do seu titular.

En caso contrario, prorrogárase o convenio automaticamente ata que o resarcimento teña lugar.

Caso de que o saldo acredor da Consellería de Agricultura, Gandería e Montes se cubrise antes de que transcorra o prazo de duración do convenio, considerárase este tacitamente renovado, de non existir manifestación expresa dalgunha das partes.

En calquera momento poderá cancelarse o convenio, previo aboamento á Consellería de Agricultura, Gandería e Montes do saldo pendente.

A extinción do convenio leva consigo que a totalidade do voo existente pase ó titular da propiedade do chan, con exención do Imposto sobre transmisións patrimoniais e actos xurídicos documentados.

11ª.— Tódalas melloras realizadas no monte, tales como camiños, construcións, etc., quedarán a beneficio do titular do chan ó se extingui-lo convenio; sen embargo, os camiños, puntos de auga e casetas de vixilancia contra incendios forestais, quedarán gravados cunha servidume de uso a favor da Consellería de Agricultura, Gandería e Montes, se esta o precisar.

12ª.— A especie a utilizar para a repoboación forestal obxecto deste convenio será xenero pino

13ª.— O convenio terá carácter administrativo, e a Consellería de Agricultura, Gandería e Montes interpretará e resolverá tódalas cuestións que se susciten, derivadas do seu cumprimento.

Contra do presente convenio poderá interpoñerse recurso contencioso administrativo perante o Tribunal Superior de Xustiza de Galicia, no prazo de dous (2) meses.

Don RAMONA CELIA FERNANDEZ ALVAREZ, encargado da sección provincial do Rexistro Xeral de Montes Veciñais en Man Común.

CERTIFICO:

1.— Que entre os antecedentes que obran en poder deste rexistro figura copia dos estatutos da comunidade propietaria do monte veciñal en man común do lugar de Caneda, Concello de Campo

Lameiro

2.— Que, así mesmo, figura Don MANUEL RAMIREZ QUIBEN, e Don FERNANDO CASTRO FERNANDEZ, como presidente e secretario, respectivamente, da xunta rectora, deica 24/7/98

E para que conste, expido a presente certificación a 14 de NOVEMBRO de 199 5.

Don FERNANDO CASTRO FERNANDEZ, Secretario de comunidade de Montes Veciñais en Man Común

CERTIFICO: Que as cláusulas que anteceden foron aprobadas por esta comunidade, cumpríndose o requisito do quorum, en sesión celebrada o día 9 outubro 1994 estando designado Don MANUEL RAMIREZ Q UIBEN representante dela para efectos da firma do convenio.

E para que conste, expido a presente certificación en CANEDA a catroce de novembro de mil novecientos noventa e cinco.

O SECRETARIO,

Visto e prace,

Manuel Ramirez

O Presidente

Asdo.: Manuel Ramirez Quiben

Asdo.: Fernando Castro Fernandez

D. CARLOS DEL ALAMO JIMENEZ, Director Xeral de Montes e Medio Ambiente Natural da Consellería de Agricultura, Gandería e Montes da Xunta de Galicia, dá a súa conformidade ás bases do presente convenio, e propón a súa sinatura.

Pola propiedade,

Pola Consellería de Agricultura, Gandería e Montes,

O CONSELLEIRO;

P/D

O SECRETARIO XERAL,

Asdo.: Antonio Luis Rosón Pérez.

(O. do 13/12/93)